

鼎修德安府全志卷之十五

人物

志人物所以勸後也士生千百年以下汗竹者何以僅如是乎君子懼焉體行德本則學術正宏亮弘業則經術章稽操履協於鄉評惇倫符乎清議者書之儀型在望其則不遠作人物志

人物皆取徵於州縣志各為分列便稽考也登鴻寶而畧蒼璣見聞未周闕之以待

安陸縣人物 附守禦所

德安府志

卷之十五 人物

鬬伯比富謀畧閑紀律料敵知人善用其勇楚武王伐隨使蓬章求成軍於瑕待之隨使少師董成鬬伯比曰漢東之國隨為大隨張必棄小國小國離楚之利也卒敗隨師乃盟而還及屈瑕代羅伯比曰莫敖必敗舉趾高心不固矣屈瑕果敗

鬬子文伯比之子楚成王以為令尹三仕不喜三已不愠不為爵祿勉以憂勤於社稷鬬班殺子元子文毀其家以紓國難時齊桓方霸楚多難子文量力而動舍命不渝其族有干法者廷理釋之子文



召廷理責之遂刑其族舉子玉爲令尹悉告以舊政成王聞子文約每朝設脯一束糗一筐羞之子文辭而逃王止而後復曰民多曠者而我取富焉是勤民以自封也死無日矣我逃死非逃富也王深嘉之

鬬般字子揚子文之子代子玉爲令尹食邑於申是爲申公殺公子云

鬬克黃子文之孫楚箴尹也楚王殺越椒滅若敖氏之宗惟克黃使於齊還聞難人曰不可以入克黃

德安府志

卷之十五 人物

二

曰棄君之命獸誰受之君天也天可逃乎自拘於司敗王思子文之功使復其所改命曰生封爲鄖公

鬬韋龜克黃之孫父楚宮廐尹也魯昭公四年楚子欲遷許於賴使鬬韋龜與公子棄疾城之而還韋龜以城賴功食邑中犢十三年楚靈王奪鬬韋龜中犢又奪成然邑而使爲郊尹成然韋龜子也初共王無冢適有寵子五入無適立焉乃徧以璧見於群望曰當璧而拜者神所立也已乃埋璧於太

室之庭使五人齊而入拜康王跨之靈王肘加焉
子干子皙皆遣之平王弱冠而入再拜皆獻組闔
韋龜屬成然焉藥疾立名曰熊居使子旗爲令尹
成然也成有德於王不知成與養氏比而求無厭昭公
十四年楚子殺闔然而滅養氏之族使闔辛居鄖
是爲鄖公以無忘舊勲

闔辛子文之孫蔓成然之子也成然字子旗令尹封
陳蔡而復之子旗與養氏比王滅養氏族遂殺子
旗使其子闔辛居鄖及吳伐楚昭王奔郢辛之弟

德安府志

卷之五

人物

三

懷謀弑王辛曰君而討臣何讐之爲吾先人以善
事君成名於諸侯自伯比以成之失也今爾以
是缺之不可遂與其弟巢以王奔隨王復均賞之
曰或禮於吾或禮於父均之不亦可乎

按孝感有令尹子文祠雲夢西北十里舊亦有
祠然虎之乳子文處則在郡南之十里相傳曰
虎子巖瀆水逕其下蘆荻沙汀彌望平楚其爲
夢中無疑矣蓋兩地皆鄖子幅幘例得并祀非
假借也

黃香江夏安陸人葉令況之子事親至孝夏月扇枕
席冬則以身溫被九歲失母思慕憔悴太守劉護
召署門下甚見愛敬香博通經典能文章京師號
曰天下無雙江夏黃香初除郎中書令詔牙
觀讀所未見書拜尚書郎數陳得失憂公如家東
平清河奏妖言香所全活株連者千人遷魏郡太
守郡舊有園田悉弛以利民年饑分俸及所得賞
賜頒贍後坐水潦免

黃瓊香之子瓊初以父任太子舍人辭病不就永建

德安府志

卷之五

人物

四

中公卿多薦之於是公車徵瓊瓊不得已應詔李
固素慕瓊以書逆遺之至郎拜議郎稍遷尚書僕
射初瓊父在臺閣習見故事及後居職達練官曹
爭議朝堂寃莫能抗奪永建初大旱疏言災之
要召見德陽殿行其言元嘉元年遷司空桓帝欲
褒崇大將軍梁冀使會議其禮特進胡廣等皆坐
附免廢拜瓊爲太尉舉奏州郡素行貪汚至死徙
者十餘人尋以五侯擅權自度力不能匡乃稱疾
不起

黃琬字子琰瓊之孫父早喪元和日食詔問所食分數琬方七歲侍瓊側日日食之餘如月之初瓊聞以此應詔及瓊爲司空拜琬爲童子郎辭不受後遷五官中郎將時陳蕃爲光祿勳深相敬重顯用志士而權富子弟一切峻絕左右遂陷以朋黨蕃坐免官琬亦禁錮幾二十年至光和末太尉楊賜薦之徵拜議郎擢青州刺史遷侍中歷太僕出補豫州牧值寇起琬討平之徵爲司徒遷太尉封陽泉鄉侯董卓秉政遷都關中琬曰大業旣定豈宜

德安府志

卷之五

人物

五

妄動以虧四海之望竟坐免後拜光祿大夫及徙西都轉司隸校尉同司徒王允謀誅卓後卓將李傕郭汜破長安收琬下獄死

許紹安陸人父法光仕隋爲楚州刺史元皇帝爲安州總管紹時爲兒與高祖同學相愛大業末任襄陵通守會盜起州境獨完流人自占數千萬開倉賑給煬帝崩問至紹率人吏三日臨以所部遙屬越王侗後授陝州刺史封安陸郡公高祖賜書道平生舊納蕭銑將董景珍降命紹率兵應接以破

銑功官其子智仁爲温州刺史紹境連王世克及
銑其下爲賊剽者皆見殺紹得敵人獨資遣之二
邗感義殺掠爲止進譙國公賜帛千段及王孝恭
以銑復詔督兵圖荊州會病卒於軍帝聞爲之
流涕

許圜師紹次子有器幹擢進士第累遷黃門侍郎同
中書門下三品龍朔中爲左相高宗自書詔賜遼
東諸將謂許敬宗曰圜師愛書可示之俄坐其子
獵犯人田怒而射之圜師掩不奏事閔免官久之

德安府志

卷之五

人物

六

刺史相州專以寬治州人刻石頌美郡有受賅者
圜師不忍按第賜清白箴其人自愧後修節爲廉
士晉戶部尚書卒贈幽州都督謚曰簡命陪葬泰
陵

許欽寂圜師之子嗣封萬歲通天元年邊賊入寇詔
爲隴山軍計擊副使踐崇州敗爲賊所禽方圜安
東脅令說屬城未下者欽寂呼安東都護裴元珪
曰賊朝夕當滅幸謹守賊怒害之武后下制褒美
贈蘄州刺史謚曰忠子補乾以父死難授左監門

十侯爲海東慰勞使使迎柩還葬

許欽明欽寂之弟以軍功擢左玉鈴衛將軍安西大
都護益山郡公出爲涼州都督嘗輕騎按部會西
戎默啜兵奄至被執賊與皆至靈州使說之降公
明至城下呼曰我乏食有美醬乎有梁米乎並乞
墨一枝時賊營四面阻水惟一路得入欽明欲選
將練兵乘夜襲賊也而城中無悟其語者遂見害
兄弟死王事世名其忠

郝處俊安陸人父相貴因隋亂與婦翁許紹據峽州
德安府志

卷之五 人物

七

歸國拜滁州刺史封甌山縣公處俊甫十歲而孤
故吏歸千緡贖之讓不受貞觀中舉進士授著作
佐郎襲父爵兄弟友睦累遷吏部侍郎高麗叛詔
副李勣征之師入境未陣賊遽至舉軍危駭處俊
方餐乾糲不顧密遣精銳擊之賊卻入拜東臺侍
郎浮屠盧伽逸多治丹藥高宗欲遂餌之處俊諫
勿輕服帝納其言帝多疾欲遜位武后處俊諫曰
天下者高祖太宗之天下非陛下之天下應謹守
宗廟傳之子孫尋拜侍中罷爲太子少保開耀示

年卒年七十五贈開府儀同三司荊州大都督子
南容北叟俱躋膺仕孫象賢垂拱中爲太子通事
舍人后素銜處俊因事誅之臨刑極罵乃死后怒
令礫其尸斷祖父棺塚自是訖後世將刑人必先
以木瓦窒口云

宋庠字公序初名郊改名庠初舉進士試禮部第一
寶元中以右諫議大夫叅知政事爲相與彛簡議
論不合乃出知揚州徙鄆州慶曆中范仲淹去位
復詔爲叅知政事帝嘗召二府對資政殿出手詔

德安府志

卷之五

人物

八

策以時事庠曰兩漢對策本延巖穴草萊之士今
備位政府而比諸生非所以尊朝廷請至中書合
議條奏論者以爲知體後以檢校太尉同平章事
充樞密使封莒國公改封鄭國公以司空致仕卒
贈太尉謚元獻嘗曰逆詐恃明殘人矜才終身弗
爲也以此益稱其長者子克國卓犖不辟克繼其
志

宋祁字子京與兄庠同舉進士禮部奏祁第一庠第
三章獻太后不欲以弟先兄擢庠第一寘祁第十

代府奉祀王多逸政本直諫爲王杖幾斃歸而逸
政上聞府官僚皆賜死獨宥本陞汝寧府同知賢
聲益著

程春震字時舉雲夢人明成化壬辰進士知建昌縣
擢監察御史按大同廣西皆有聲以忤權貴謫知
安岳縣進順慶同知馬湖知府

張瑄中正統甲子鄉試任金華令當入覲純皇帝夢
曰天下郎官張瑄第一詰旦視朝特召瑄嘉其俊
偉擢金華知府

德安府志

卷之五 人物

三

陳汝忠性直方以明經訓導延津陞荆府教授嘗委
勘爛泥湖汝忠啓王言校尉某等侵奪民田他事
亦素諫諍竟乞致仕

左鑑好義樂施邑人多德之以明經典簿淮府乞致
歸淮王撰文榮歸

帥大魁清謹方直任都勻府推官歸布衣徒步而行
里巷有古處風後進諸生嚴憚之

吳舜臣善詩文有心計自天文地理旁及星卜家言
皆涉其梗概以貢赴京嘗上疏論兵事任彭澤訓

甲詔中外許令盡言有可採錄召對至近臣不時
召見訪求得 以裨益治道帝嘉納之又疏欲試
任子武臣以寓勸懲至於貪酷吏抑之終身勿仕
且屢陳聽言用士之術嘗應朝夕對內東門命草
三制皆稱旨賜雙燭送歸舍人院外人無知者拜
翰林學士未幾徙青州方散青苗錢辯言但見其
害不忍民無罪而陷憲網引疾乞間提舉鴻慶宮
卒家貧子弱藁殞僧屋十餘年滕甫守安州乃克
葬

安府志

卷之五 人物

十

王登字景宋安陸人少讀書喜兵法慷慨有大志孟
珙招之幕府後舉進士調興山主簿修江陵城條
畫有法吳淵爲制置使具書幣招之登方與客奕
發書長揖出門既見淵請爲節制登至沙市權生
麗酒誓衆股慄聽命立奇功於沮河趙葵爲制置
使握登手曰景宋一身膽惜相見晚也俾叅宣撫
司兼京西兩節度馬光祖爲制置使辟克叅謀官
遷京西提點刑獄登威聲日振開慶初提兵援蜀
約日合戰夜分忽絕倒五臟出血卒

令狐揆卜築瀆溪之南嘗雪中跨驢入城詣張君房
借書令小童携筆負琴帛繒暖帽委轡長吟曰借
書離近郭冒雪渡寒溪布衣林逸善繪因作令狐
揆雪中渡溪圖

王得臣字彥輔安陸人問學該博以文章名世嘉祐
四年進士官至司農少卿號鳳臺子所集鳳臺集
若干卷及江夏辨疑一卷江夏古今紀詠集五卷
政和乙未又著塵史三卷自序稱行年八十性嗜
書史至老不倦

德安府志

卷之五

人物

十一

趙復字仁甫安陸人太宗命太子濶出帥師伐宋德
安以嘗逆戰其民數十萬皆俘戮無遺時楊惟中
行中書省軍前姚樞奉詔即軍中求儒道釋醫卜
士凡儒生掛浮籍者輒脫之復在其中樞與言知
爲奇士遂以九族俱殘不欲北潛赴江濱投水樞
曉以復死無益復強從乃以所記程朱諸經傳註
盡錄付樞自復至燕從學者百餘人世祖在潛邸
聞復論議始嗜其學乃與樞謀建太極書院立周
子祠以二程張楊游朱六君子配食選取遺書八

千餘卷請復講授其中復以周程而後其書廣博
乃原羲堯舜所以繼天立極孔子顏孟所以垂
世立教周程張朱所以發明紹續者作傳道圖別
著伊洛發揮又取伊尹顏淵言行作希賢錄樞既
退隱蘇門乃即復傳其學田是許衡郝經劉因皆
得其書而尊信之元好問文名擅一時其南歸也
復贈之言戒以自修讀易求文王孔子之用心家
江漢之上以自號學者稱曰江漢先生

趙卿月復之子克紹家學與許衡劉因友善嘗拜憲
德安府志

卷之五

人物

五

司職未久謝去屢徵不起蓋志在宋室云

高鼎正統甲子鄉薦讀書該博有文學名授南國子
助教遷翰林檢討學士商輅察其志行不苟甚重
之卒崇祀鄉賢

張瓚字宗器正統戊辰進士歷工部郎中通敏有才
出知太原府以父憂去起復守寧波植市舶太監
縱恣乃條其不法事聲稱赫然累官左副都御史
巡撫四川以母病歸養時松茂壘三城在蜀爲西
境與董卜接壤易爲騷亂成化中詔起瓚視師瓚

兵萬人分哨先襲自草壩剪其羽翼遂渡北羊峽
悉討平之播州土官大壩千苗倡亂瓚請立安寧
宣撫司皆允之乞終喪復起總督漕運巡撫鳳陽
卒於官所著有土直稿東征錄

張璉字廷器安陸人家貧勤學性剛烈景泰庚午鄉
薦天順中知梓潼時流賊趙鐸等攻掠州縣勢甚
熾璉集壯士三千人設伏峨溪橋賊夜至火舉伏
發遂禽賊首加同知俸級

楊珪字東涯弘治辛酉舉人風度汪汪若干頃波以

德安府志

卷之五

人物

三

躬行理學爲已任郡人多從而化之值親以哀毀
骨立知府高翹贊曰今之王安豐山巨源也卒崇
祀鄉賢

皮紀字廷振正德己卯舉人負才岸異居家孝友初
授浙江教授聘入內簾旋陞廣西柳城令潔已愛
民己酉入內簾選拔皆名士政成休致人咸服焉
孫應元能紹家學爲郡諸生

何遷字益之號吉陽永樂中以武功調隸嘉靖辛丑
進士授戶部主事改吏部出判九江陞太常卿巡

撫江西歷官刑部右侍郎記問淵博多所超詣喜
談性命之學圓融應世人莫能窺其際爲文章耻
剽竊與遠可傳詩有中唐風所著吉陽集數十卷
友問四卷仲子宇度有詩名 陳士元記

蔡乾庵逸其名以理學稱郡人皆嚴憚之讀書郊外
之廣心堂子處無侶適積雪累日楊方伯芷姓踪
之雪深三尺戶無人踪正裾危坐自若也止一女
將字有以筐篚贈者俱卻不受及剖羊在門手持
竹板始呼女出命叩首者五諭之曰第一孝公姑

德安府志

卷之五 人物

四

次佐夫子次則和妯娌慈家人勤紡績裝奩具此
矣如其不率家法不汝貸也至今稱乾庵先生云
高獅字允升安陸人初誕時毋夢旭日墮懷中稍長
能爲七言詩喜讀蔡虛齋書嘉靖壬午舉於鄉丙
戌成進士累官至貴州巡撫會修王殿巨木皆徵
於貴諸苗幸之相煽而起獅曰彼柰何欲窺吾短
長今大逆有叛狀倘以木政緹而撫之是貨之與
平非撫也撫必不行宜撫其罪薄而昭 取其寬
頑者殪之惟以戰爲撫便議上命便宜行事叛卒

李昂者擁衆稱雄裔苗倚之梗雲南貢道狎釋脇
從離其黨使內應乃揚兵臨之昂鼓噪至兵四合
內外夾擊昂乃成擒諸寨皆驚散滇人謂戡百寨
不如除一昂也所著有奏疏集玉華詩文稿

孔僖字彥和其先世來自雲南永昌嘉靖癸未進士
知浮梁縣潔身惠民積穀備賑剛直不阿調知雲
縣未任卒僖友愛端謹以父事兄喜周人急貸不
能償者焚其券浮梁志稱其清介有古廉吏風祀
名宦祠

德安府志

卷之五 人物

五

楊東浙字伯魯曾祖熈嘉興知縣父和嘉興府通判
世有儒名東浙幼穎異醇雅負奇志工文詞郡司
李黃公器重之歲貢授夾江主簿以廉能稱遷青
城令清操不改再遷肅府奉祀遂致仕性篤孝友
侍父疾經月衣不解帶湯藥親嘗父卒哀毀骨立
喪不廢禮敬事娶嫂從子請析居悉捐美田宅畀
之而自取荒陋者少嘗出遊西郊不拾遺金居官
督餉却千金之餽以子芷貴贈四川按察使子芷
嘉靖癸丑進士另有傳

劉鵬字南夫性孝友弟思諸生茂等未第而殞鵬
身勸之居父憂哭泣盡哀三年交遊重然諾嘉靖
改元壽藩軍尉橫擾市民郡守李重稍抑之王信
諧令尉捕守守方試諸生執諸生畏尉多走匿鵬
聞急詣守計畫守曰若爲誰我不識鵬曰使君廉
且惠鄰人義當急難安論識不識哉與守俱凡七
十日王上疏詔遣司寇廷尉至郡鵬佐守對簿守
得左遷去去之日特式鵬廬鵬避之歲乙卯子紹
恤舉於鄉鵬悉焚田間券不復取責郡人重之紹

德安府志

卷之五

人物

六

恤後登戊辰進士官歷雲南按察僉事鵬贈大理
評事

楊汝榮字仁夫號白兆按察使璋之子也弱冠爲諸
生省心飭行希蹤古人往從王伯安先生游聞性
命之學歸與郡人共學焉嘉靖乙酉鄉薦未仕卒
崇祀鄉賢

楊芷字文樞安陸人祖和以成化癸卯鄉書除鳳陽
縣令遷嘉興府判俱有善政父東浙例貢任峽江
丞亦祀名宦芷幼孤育於兄兄又蚤亾嫂丘氏撫

之芷獨力攻苦一日送兄子應試自陳於學使者
面試之得補博士弟子按察使楊璋以女妻之嘉
靖工 奉於鄉癸丑登進士初授吳江縣擢南戶
部員外移兵曹郎歷江西河南廣西廣東僉憲陟四
川福建河南大叅山東憲長迄今江西右方伯宦
跡幾半天下所至無赫赫名所去見思軍旅之績
尤著初至吳江值倭警遂增城陴製飛艦自建牙
旗張左右翼禦之清野鑿舟致有勝墩之捷俘戰
三千級僉憲粵西時屬古田賊披猖藩寮遇害芷

設方殲其魁黃朝猛等八寨以平督撫能之疏調
潮州兵備先是海寇曾一本山賊林道乾互聲援
狼奔豨突公與戰銅山擣蓮澳覆馬耳砦自是海
有安瀾徙閩戒行授畧於粵將攻其不備山賊盡
殄兩粵勒勲四奉銀幣之賜備兵建昌時不避瀘
瘴跋履山川善用間諜治以不治芷暇日輒汲引
諸生親定其甲乙刻白沙教言文治蒸蒸日上初
御上言十款皆經國要務八千餘言若始清兩河
之郵政再籌兩河之會計總裁東魯名士咸甄右

轄西江履畝罔漏則其隨試輒効者秉性孤峭不
隨時俯仰方艾引手士論高之林下三十載篤宗
戚賑閭黨敦尚言其後進議毀淫祠條荒策
至今賴之光廟寶禮問耆年疾已革乎額聖賜
古稱善出善處有初考終公其無負與所著有碧
社吟碧玉草十二卷淡泊養生說一卷從肥鄉賢
子長春以萬曆甲午雋任清河令仲孫光烈甲子
復登賢書季孫京貢生玄孫适字坦公號碧山幼
穎異性篤孝友甫成童即博極群書補郡學生試

德安府志

卷之五

人物

六

每冠軍下幃數十載鏖戰棘闈者十有五次以花
樣不收遂就明經選授荆門訓導未任卒生平寡
言笑慎交遊沉酣朱程涉獵經史爲時菘濬浴大
家而出諸文集多做毆蘇著有碧山群集十二卷
輯古文燈解三十二種及四書纂約以家貧未梓
子夢龍克紹家學爲郡諸生

劉伯生字性甫別號大鶴安陸人少孤嘉靖乙卯與
弟伯燮同舉於鄉燮領解額鹿鳴之日例應首坐
堂上不敢以弟先兄固讓者再臺使者執令甲惟

令赴兄席一揖時人榮之乙丑成進士知上蔡陞
南吏部主事以母老丐歸養性淡泊結賓物園著
有素言易屬澹言劉子諸集

劉伯燮字元甫別號小鶴安陸人

明外傳遠何司

寇遷偶過塾師館中諸童子皆

避席燮獨危

坐自若塾師讓之伯燮曰何公亦人子也彼自出
遊吾自讀書何憚焉遷曰此公輔器吾弟有女相
宜貴選婚無踰此者嘉靖乙卯領解額隆慶戊辰
進士爲給事中遇事敢言彈擊不避津要請復故

德安府志

卷之五

人物

九

督胡宗憲官物論快之新鄭江陵政府水火伯燮
亦楚人因出之累官廣東按察使以母老不赴卜
築於金泉別墅尋卒著有鶴鳴集行於世郡人至
今重之

劉紹恤號瀟湘嘉靖乙卯鄉試第九戊辰成進士授
南昌知縣再調石樓陞南廷評再陞雲南僉事才
名藉甚少與二鶴共鷄窠又同譜登仕路詩文唱
和旗鼓正相當也故都人士目爲安陸三劉云獨
宦跡淹蕘家無長物惟圖書萬卷嘯傲丘園蕭然

物外之意固在此不在彼所著有瀟湘集崇祀鄉賢

何宇度字仁仲別號北吉少司寇遷仲子也入貲補詹事王簿轉夔州別駕風流爾雅有王謝諸人之致與海內名公鉅卿互相酬答宅左有甘露園郭外有三洲有碧霞臺廣心堂交遊嘯咏無虛日有二園記卮言堂集行於世

嚴厚字惟載安陸人性醇慤坦易喜讀書究辨正學嘉靖中歲貢授觀城訓導遷周府教授親老歸養德安府志

卷之五 人物

三

潔已諧衆不與物爭有橫逆輒避之感暴疾談笑賦詩而卒

姜鳳字廷瑞性質直嚴潔不徇時俗爲邑諸生時危坐一室讀書考古居家無戲言待人恭謹能擇交有不義毅然斥之誨生徒不倦家業素薄無伎求心歲貢入南雍授常山縣丞未仕卒崇祀鄉賢曾孫大申以文名

子拱極性敦樸事父母篤孝終身無傲色

讀書善屬文爲諸生以歲貢授雲南府

吏目狷介廉潔當路檄署州篆八閱月折獄敏決
刑不濫施州人感悅忽以疾卒仲子希臯萬曆丁
丑進士任兵科了事中

萬言字伯行恂雅直諫慕古人擇交飭行聞時好

則耻之歲貢授新喻導崇正廸人聘主白鹿洞

士多宗之歷肥城教署邑篆以治才見稱遷乾

州學正以毋老不赴鄉人稱其

董儀字養甲嘉靖庚午舉人家世珷少履秩然以

孫明復自任任奉節令茹苦如諸生狀有詩云古

德安府志 卷之五 人物

廿

人飲水致足佳輕激巴江吾亦剛操執可知已再

倅平涼會攝郡事有弟兄掘得窖金互爭不決願

輸之官以佐公費儀悉闔分之尋乞歸卒子以道

天啓選貢

柯頌功字元川先世孝感白雲山人以三世祖志能

館甥於安陸呂千戶湏潭遂家焉頌功早補諸生

為文不起草援筆立就試輒冠軍志節耿介如石

落落寡合居恒矜重自持雖盛夏冠裳秩如也閉

戶讀書不問家人注產以此益食貧性至孝父大

梁字子任將以歲貢謁選時年六十矣頌功嘆曰
父年屆杖里猶奔走京洛從明經起家母乃菽水
不給於養乎人子之過也因痛自省責父嘗病殆
不起頌功日夜侍湯藥晷不交泣禱於神請以身
代竟得瘥後四年父沒喪葬易戚咸備事繼母尤
以孝聞構一樓於先祠後訓誨子弟肅然朝典一
日盛暑登樓見其子文跣足歆坐怒曰居處恭當
如是耶及甲午文登賢書而頌功亦由選貢考授
縣職顧文性知易雅好音律歌舞偶爲詞贈歌者

德安府志

卷之五 人物

三

頌功聞而大怒不已杖之其嚴急於此戊戌文成
進士筮仕蜀之富順頌功教以當官之要六計獎
廉廉生公公生明明生斷根本旣立餘遊及爾文
迎養甚懇頌功答曰使富順農安於野商安於市
士大夫無間言卽戲綵承歡不啻也竟不徃身課
農桑猶然貧諸生不復與戶外事及文入爲西曹
躬具版輿頌功終不肯入京邸於後園築一土屏
植海棠百本於茅齋前日引子孫讀書其下所著
有海棠屏條十餘卷家訓遺矩一篇嘗語其季子

利賁產兄弟之間有市心焉吾雖日不再食不忍
爲此態也竟以孟梗之次子華後之人皆美其廉
讓素清癯年踰四十櫻木疾時毋樂春秋高疊以
身不克終養甚恨逮疾革遺命治衣衾以麻桐棺
以素殯於東廂勿復備喪禮曰吾不得爲子以志
恫也又爲文以告先人曰死而有知當盡子職於
來世不者魂且不散長與杜鵑同啼也士大夫聞
其言而悲之疊子叔梗改名一元隱居高蹈閉戶
著書有集唐詩若干首并菊齋詩等集家貧未授

德安府志

卷之五 人物

苗

梓

梅應奎號星岳萬曆乙卯舉人負才岸異耻爲苟同
事繼毋倍極色養手自澣衣里人化之宦歸止餘
風袖卜築東北隅爲甲秀園匡坐著書不與外人
接者凡二十年應鄉飲大賓二十一次子徵嘉孫
敬俱貢生仲子徵燮孫觀中壯中皆郡學生年八
十有六卒

鄭和乾號清軒萬曆乙酉舉人負性醇樸於世味淡
如也宦歸囊橐中止三金僅足供祠堂伏臘年八

十有六卒祀鄉賢

柯文字守白別號酉室安陸人父頌德舉明經爲人坦夷除無錫學博尋引疾歸文隨地有異兆頗負靈奇幼時贈君說詩解頤遠近多從遊文論出入意表萬曆甲午登賢書戊戌成進士授富順令文勤恤民隱按誅奸宄諸弊一清已乃進諸生講說文苑風習煥然以父歿歸服闋移蜀臬司治辦益著丙午補山東泗水令事簡俗淳與民休息邑有仲姓者子路苗裔家寥落文聞於當事賜廩餼庚

德安府志

卷之五

人物

廿

戊擢秋官郎欽恤粵西獄多所平反歷四川山東三司凡大獄枉抑文無不昭雪偶受風濕旣授韶州守遂辭不出五六年間藥餌扶携以疾甚卒於家

杜天培安陸人家貧無僮僕菽水親奉設帳里中受業日衆萬曆丁酉雋於鄉授太昌令煮粥救荒建橋利涉惠政溢道尋擢重慶郡丞其地兵民衝雜區處有方得無他患未幾遷遵義太守值奢酋內訌又訓練已素防禦不懈卒能保境清野以疾卒

於任

汪淵字淵泉安陸人事繼母以孝聞隆慶庚午鄉薦除蜀西克令以廉能聞遷嘉守治聲益著是時播酋弗靖淵泉任轉餉以時給無阻叙功爲第一遷柳郡丞柳濱部落淵泉守禦節制無敢伏莽焉十二邑疑訟不決者經其手判悉成鐵案未幾卒於官

沈彥芳號城岡正德間貢士生平慕陳仲弓之爲人以文行爲一郡祭酒比里服而化之謁選得金壇

德安府志

卷之五

人物

某

丞時豪胥比周撓有司令致責逋莫可究詰彥芳甫任悉以常例至彥芳正色卻之盡寘奸人於法按其產以抵累年逋賦直疏於朝請卽補金壇令報可未任卒先是子八人一賜俱買舟問省咸無所予塗次白門緘寄家訓四語云養子不如我要錢做甚麼養子勝似我要錢做甚麼至今田中人猶傳頌以爲法

熊士弘號仁寰能方以循謹聞教授寧波諸士有以修脯至者俱卻之嘗語人曰其可教而玷輩止以

以日月至愧師道已甚况自有微祿奈何累寒士
燈火乎薦陞荔浦知縣歸時惟圖書數部而已年
八十卒

熊夢禎號正岳萬曆丁巳歲貢性敏異九歲能文弋
童子第一少孤事繼母色養并至以醇篤淵博
一郡師表門下問業者百餘人學使葛寅亮嚴汰
食餼而髦者夢禎應明經試獨奇之時子渾樸冲
孫爾良皆高等引列塔下寅亮曰此人瑞也後
禎年八十卒

德安府志

卷之五

人物

七

熊肇康字康侯安陸人性篤孝友穎異不凡讀書目
十行下甫成童補邑弟子員究心河洛解理天人
片紙隻字人爭寶之迨食餼聲名藉甚兄肇緒弟
肇泰肇績俱成名儒時人稱安陸四熊云康侯癸
酉應鄉試因爭第一人不得落備卷筭未臨明經
選冬以疾卒子維振孫守經守約皆以文名俱邑
諸生

雷芳字筠倩號陸海中萬曆庚子鄉試先是出爲從
父後嗣未久生筵食貧而介先自兄始自先世分

產而外概以蓋祿視之芳密論佃者租額溢以已
穀而不告以故水旱俱無所歉早歲工詩劉紹恤
呼爲小友刻有北遊草雁字詩累官工部郎中假
歸尋卒

楊所蘊號岫嶠萬曆丁未進士初知洛陽縣值福邸
就封中璫橫甚悉以理法裁抑之迄無所撓丁外
艱補武進令武進固善地而仕宦皆津要蘊一如
任棠抱赤拔大本薙而治更冲靜紳士咸曰楊公
誠長者不忍以分外干奏最應考選辭不赴陞戶

德安府志

卷之五

人物

七

部郎再晉順慶知府乞歸課兒著書嘯咏林下二
十年年八十卒子錫億錫時錫溥皆紹父業以文
名

高祚字養淳號黃峰萬曆辛酉舉人中丞高紳第四
子也年十四食餼博極經史由工部主事遷黎平
守先是中丞紳爲黔巡撫時黎平原五黎邑紳以
荒遠難治疏請陞爲郡上允之號黎平及歸黔之
士民祝曰願公子孫世任我黔後祚果爲黎平守
黔人皆懽聲載道守黎五年政簡刑清神宗舉爲

天下清廉第一年六十九致仕八十七卒至今黔
地春秋報祀不絕焉

金鼎鉉字毓華萬曆乙卯舉人性孝友與弟讀書北
郊絕跡城市後司李處州廉能有惠政尋乞歸卒
於家至今處地祠祀之

劉廷鵬號章山爲制舉執拗岸不羣時功令遵繩尺
以少試輒蹶廷鵬不爲少貶萬曆癸卯年五十五
始舉於鄉知邠州左遷趙府長史方正無所阿王
亦以鵬之乞歸年七十卒

德安府志

卷之五

人物

廿九

沈光宇字斗垣少孤倜儻有大志遨遊大河南北所
至無道必得從人借書每得一書必流連詮繹累
月不即去十年始歸卽補邑弟子員

有聚訟或盈庭不決必就乞一言以定年四十卽
於宅後築小閣自顏爲拳閣主人卒年六十四自
號曰杜憲先生

張晉字竹嵩萬曆丙午舉 丙戌成進士令常熟有
廉能聲繁劇之餘充獎進諸名士刻有虞山問業
奏最特召吏部主事未任卒

其籌字大衡鳴揚長子也髮未弁補邑弟子員以神童稱高視一世豪宕不羈中萬曆庚子鄉試第二闈牘盛傳海內以先世產俱讓兩異母弟郡人士多問字其門貧者解推翰墨得懷素之神當路覲求未易脫紙凡詩賦不肯一字寄人籬下同忠烈楊漣從祝海章學人以癖目之賊氛之變捐貲製火器獨當北門一面晚年謁選得成都通判未任卒

董以修號雲門庚子舉人性孝友其寧泊讀書之外

德安府志

卷之五

人物

三

無他事庚子闈牘見乙監試者夢一人祈曰幸償我來元覺亦不解及揭曉日副卷中隱隱有鼓吹聲因出副卷焚香闈取一卷忽自案乘風颺起遂登於榜蓋以父原應庚午省試分考力爭第一人置之袖抵期易吉服遍搜不得止標之副榜今食報於子宜也後修任龍泉三月卽有惠政忽以疾卒於任

劉廢字子聚號環岳伯燮仲子也早歲擅文名先世藏書悉供博覽卽燕居亦矩步繩趨肅然古處尤

八之急明神宗時有滇人楊姓
善形家言爲治瑩金泉之陽立
金封貯縣庫越二十年天啓丁
鄉公車之便偶遊覽金泉得父
遺金予之生平義舉多類
任卒

元字性孝友博學不樂仕進貧而好施萬
歲大侵推食以飯饑者庾粟不繼至敝衣
悉付質庫崇禎乙卯賊哨薄城下時子宗孔致仕

德安府志

卷之五

人物

三

歸三孫以諸生皆嫻韜畧竟率義旅爲一軍出堵
捷聞巡撫宋一鶴以首功同諸生沈會霖萬之奇
吳錫嘉疏薦於朝副使趙振業旌其門日六朝仁
壽年八十如嬰兒尋卒以子貴贈如其官曾孫開
后以文名

胡致中字堂庭性直方郡人士以長者事之應崇禎
乙卯歲貢訓導松滋卒於官

萬士模字爾傲邑布衣雖武功後以明經起家者四
世矣父國治省祭有儒行模性孝友早擅才名目

輒十行過所手錄古文詞與身等歛而爲理學更
精河洛先天之秘今子之奇所集易家圖說其遺
訓也國中人產好施予凡族里子弟有貧不克就
外傳者悉延之別館各視其才質分五經同異口
授之族弟籛年九十尚諸生每言之未嘗不位數
行下也萬曆戊子歲大禋已丑復禋請父命售郭
外產粥之通衢全活者甚衆比歲終則治大具掩
漏澤遺骸郡人皆奉爲仁人長者云子之奇孫年
觀悉遵治戒以理學世其家康熙乙巳知府高勳
捷府學正樊維域俱有獎美未備載

德安府志

卷之五

人物

三

贊曰萬士模積學勵行孝友傳世厥考旣勤樸斲
其子之奇又能毋獲允稱前後濟美矣知縣高聯
樂崇禎時歲貢太學生尋卒

熊應元字長人性篤孝友自任 以生卽稱長者萬曆
戊午舉於鄉壬戌公車闈牘爲分考膾炙擬第一
人以進不得竟落副車謁三爵借擅黃岡日引生
徒坐舉比講正心誠意間則登臨赤壁有蘇端明

山水之趣而不爲其曠達性固然也尋陞太學助教晉南禮部司務拜表忠祠搜得李仲彬致身錄方黃而外遺祀者十一人史仲彬廖平金焦梁田王資楊應能劉申鄭洽周恕程姓名不傳者三人馮翁係馮灌衣葛翁係趙天泰補鍋翁係王之臣力請於大司徒特疏舉祀報可時舊官御樂歲有常例正色卻之語人曰此輩物何可污我薪水著爲例移吏部司務陞南戶部員外郎分司鳳陽倉得羨米若干石計解官費分給長年不許苛民間餘者仍存以抵來歲正額事竣司白門水稞

德安府志

卷之五

人物

三

凡正額之外一無所預布衣蔬食食貧如此最上崇禎丙子陞鳳翔知府賊氛正熾關城恐不固元獨開門出戰恢復舊所殘壞布素蒞堂皇賊懼且感有投戈就戎索者忤於時臺使者終直之尋得俞旨未幾投劾

馬就道無他長物林下十年脫粟僅飽康熙乙巳知府高翺知縣高聯捷學授樊維域以輿論從祀鄉賢子之禎明經孫喬遠邑學生皆博通經史以文章名

潘播號大悟萬曆戊午學使葛公兩試既竣復搜逸才拔第一竒其文曰有才如此何相見之晚五色雲不終逃於子信之負才豪上家頗自給性篤孝友與季弟振共之酒資書價任弟恣取不少吝亦好解推戚里待以舉火者數十家尋卒以子吟貴贈如其官

劉維禎字熙若萬曆辛酉舉於鄉上春官不第家故素封父小王仍令就塾學稍不率翁撻之如童子時唯唯樂受也越乙丑成進士選開州牧調涿州

德安府志

卷之五

人物

三

晉兵部職方員外郎陞真定知府以病乞歸凡四膺仕版始旋里第歸裝僅圖書數篋亦不復問家人生產尋卒

黃希度字若淵性狷介以淹博授生徒貧者不責修脯郡人士以古處尊之天啓丙寅應貢訓導浮梁年七十卒於任

李芳華字光遠中天啓丁卯省試崇禎甲戌成進士性篤孝友先是兄弟同居工制舉業不屑屑與俗人伍人亦不以是少之丁丑選太平司李會流氛

溥北城窺渡無虛日以監紀守采石嚴戢禁旅民
賴以安尋卒蕪湖居民建坊磯上以表其功祠祀
不絕

游應龍字世應中庚午舉人篤學岸異過白標舉於
同輩中有偶與流俗狎語者卽厭而謝之仕漂水
今卒於官

雷鼓英字四維崇禎庚午舉人癸未賊據郡城欲官
之羅騎四出從間道走鄂值獻逆之變闔家赴水
死

德安府志

卷之五

人物

三五

朱來儀字公翼中癸酉鄉試嗜古淹博抱膝自負願
治丁亥督府江司馬禹緒辟之行間以病乞歸卒
於家時人以未竟其用惜之

吳錫嘉字宜之周仲子也性儻倬淡於時文亦雄岸
翰墨得歐虞之神以佐巡撫宋一鶴守城功同王
宗孔沈會霖萬之奇疏薦於朝不及報應順治二
年正貢學使王爾祿屢徵不出尋卒子冕爲順治
九年拔貢生

目得字鳳廷性寬厚力學敦行誼隱居太平山中

與人交無妄言無媒容淮漢饑流民多道弊
資粥之賴全活者甚衆歲入租不用斗斛計
若干石納之弗疑他日佃甲乙輸租甲完而乙
輸且多或虞其誑間取校之輒弗爽人益嘆服
曰吳公長者不欺人人亦不欺時論比之石奮
王烈云嘗謂子之彥曰余平生無他長惟無一
事不可告上帝質鬼神此中殊有樂地以之貽
女不亦可乎卒年七十有四邑紳士私謚曰
貞恪先生子之彥列賢書未仕卒

德安府志

卷之十五 人物

三

萬之奇字心常號偶鉉安陸人生有異質兒時便持
重不戲恒嚙指若有所思念計慮稍長自知讀書
爲文每如宿構鄉先達嘗以一題數試鮮不愈出
愈新稱爲小友弱冠補郡學弟子試輒上等由是
攻苦益力盡通五經百家學尤精三易遠近爭迎
爲弟子師甚有不得而士大夫自相隱隙者陶成
後進如木之在輪金之在冶無不應器而成屢困
場屋中癸酉副車壬午房考吳晉錫以爭元弗獲
泣迎署中後止以明經入選就鐸長沙督撫交薦

先生而不名尋以中軍有功陞國子
乾象屢棄前勲屢聘不起隱洞庭如昨
望以自適風烟既靜暮年旣里當道與
以識舊聲汲登塾席年七十二竟以傳經
卒之奇身順性直不詭隨孝友十 交久

故治官守身不挂於過差身歿而人無所
怨議私謚文端良有以也其爲文詞詩歌與經書
講義諸集成就一家不煩繩削而自合於法度養
晦餘光長十年大任道州學正卒於難次子年觀

德安府志

卷之五 人物

七

文章名世孫永茂承祐 有聲庠序至薦剡題序
贊跋諸文集皆出不阿名手例載家乘不附

王爾楫字夢弼康熙戊子舉於鄉戊戌會副考選縣
職改授沔陽州學正修學宮端士習尋陞山西永
和令凡賑荒卹盜踰年政成以 高休致尋卒於
一任子三重戊午亦列賢書長孫炳次孫燠皆食餼
於庠人謂積德之報

夢縣

節洪武初以人才任本縣儒學訓導有

聲陞安鄉教諭歸縣令羅黃裳屬邑志草創之功居多

胡承恩性素濶畧輕財好施急人患難有古俠士風任建州學正貧生束脩一無所取第好以言語譏諷人卒以此敗然生平清直有足多者

龍雨親孝義表

張軫博學能文爲諸生時甚知名及謁選知瀾滄事一官不稱才有龐士元非百里之感焉歸嘗草縣志藏於家

德安府志

卷之五 人物

三

李有成字文崖號樸齋其先世府城人也明初祖子才徙居雲夢家世誦讀嘉靖甲子以兩戴魁楚闈任成都汶川縣多方安輯叛苗邑人祠而祀之擢保寧同知調繁江南維揚同知經理鹽運使以邁疾告歸子四人孫十有二人如軻應戊子貢授辰州學正四傳孫弘建

國朝壬戌成進士

景運弘字石蓮天性孝友秉義方訓維謹友愛昆季博極羣籍知府朱菊水季試諸生每冠七庠中萬

曆壬子鄉試未仕卒仲子康棋明經

鄒觀光字孚如穎異力學明萬曆庚辰進士歷官太僕正卿初在銓部釐剔宿弊選政爲之一新性孝友丁父憂廬墓三年賑濟貧困施藥療病尤雅意作人藏書數千卷於學宮勒序紀之建尚行書院學者稱爲大澤先生是時道風甚暢如鄒南臯周海門顧涇陽高景運蕭漢冲諸先輩隨地講壇風動海內大澤與相切劘尤與南臯契海內有二鄒之稱著有孚如集

德安府志

卷之五

人物

三

程德良字凝之號雲連河南明道程夫子之裔穎異絕人雋南宮授重慶府推官八郡六州俱誦神君侍御不能間執鸞吏之城旦書蔓及德良因檢校河南中丞再司李河南丁父艱起復補撫州司李摘伏暫免侍御者未慊於志再摘光州判未幾晉崇信令強往棲遲數月而歸垂二十年精著述有三一子不波館正續白蓮洗代豆日抄文明位覽行世子式仁諸生式厚貢生皆克紹先志有聲於時云

名亮字尹瞻明萬曆庚子舉人辛丑會副改授昌
邑教諭乙丑以春秋分試鄉闈所得皆名士戊午
知賓陽縣以內艱計至卽解卹離城突奢兵叛屠
戮城內代事者遇害而亮舟已遠去矣復補江西
彭澤令值大旱設壇祈禱唯引咎責已以罪人自
居遂大雨霑足後告致歸

李燦字君文僑居漢陽性端靜篤學居鄉以孝聞天
啓丁卯以春秋中第四名授辰州府教授崇禎丙
子應廣東聘入內簾中途病卒子士竑復雲籍登

德安府志

卷之五

人物

四

進士任揚州同知

湯紹中字長源明萬曆戊戌進士初任江西餘干知

縣縣猾黠難馴紹化以廉明調南直懷寧縣丁內
艱起復補固城時旱甚毀家以紓其困獲蘇者

進戶部主事權臨清稅清利獎裕國課以外艱

起復補金華知府以清恕爲諸屬倡考最陞廣東
海北道轉廣西驛傳貴州監軍陞雲南臬司督方
伯致仕歸年七十

聶工字公石號羊麓性敏儉素業儒熟於古中

籍家極貧嘗借隣婦斗穀春及半隣夫歸奪之去
困厄極矣亮工砥志下帷授徒給養及登第任杭
州仁和縣以外艱歸哀集其政令讞詞爲兩期未
可錄起復補遂安縣越歲卒於官

郝明徽字彥伯性敏決有幹畧讀書時卽以天下爲
已任邑中利病悉賴之中明崇禎庚午鄉試辛巳
授寧國府太平縣縣地土瘠山僻民竄徽至卽寬
逋賦清火耗立社倉飭保甲課士懲奸先是辛巳
大饑徽捐橐分路煮粥以賑流移有黃山產竹實

德安府志

卷之十五

人物

四

之異因相繼採取之存活者無筭咸稱徽精誠所
致云年七十卒子五人孫十二俱先後補邑弟子
員

許相鼎字宸阿性淵默尚意勵學於世趨俗尚一無
澳染與人交坦衷如雪性至孝館何相國家因感
念二尊人年暮遂棄館歸崇禎拔貢獲雋選縣佐
未任卒

郝甫字大我篤尚理學法言法行一經之外無他營
少補郡庠明崇禎乙亥恩選拔貢授寧波府經歷

上臺檄巡海有以陋規獻者峻却之簿書餘猶誦讀不輟每月課集諸生甫亦擢管從事捐俸濟單寒卒於官家貧不克歸視就殯僧寺叔子軻執喪守柩邑人范姓者感其孝延家就養因冒范姓名錫彪中福建順治庚子鄉試

戴聖言字安之祖上卿明隆慶辛酉鄉魁未仕卒父君綬亦未仕卒聖言少孤祖母王氏母萬氏俱孀操有司以雙節扁其門聖言賦性英敏慈侍以孝聞食餼於庠中甲午恩選先是乙酉闖賊南下一

德安府志

卷之五

人物

四十一

路屠掠聖言長子試甫十歲被擄追尋至武昌不獲道遇創傷者數人俱悉力調護扶歸內有鄧州蒲學成妻隨致書給費冒險送歸里後夢神人曰汝陰功上聞天帝還蒲婦書已紀錄矣試子見存九江徃郎獲卒如其言年五十七未仕卒妻馮氏孀居操勵水藁撫訓二子試誠俱補弟子員有聲於庠

熊納敬初名徵佐字襄明號亦尚篤學博極群書構思探微爲文多出人意表歷試優等但屢困棘

應明經選值

國朝鼎運授宜城知縣飭躬正直待下廉明尤善得民隱以才能稱

左維新字倩一號乳岩性警敏揮霍有古義俠風幼孤奉母教維謹友愛少弟至睦族軫寒重然諾生死不渝讀書日記萬言豪達自娛應

國朝恩選改授縣佐歸候缺丁未偶病卒子鎬維皆能世其家

程遵聖字清發司理雲南之嫡孫也篤學尚風雅以

德安府志

卷之五 人物

三

太倉濟南爲宗與同志結社聯吟有月夕吟曉雪吟短中應諸集子秘有聲菀林

馮言臣字太冲謔遠坦易爲名諸生其子紹京克承家訓以孝德稱與人和光豈弟不設城府諧里睦族排難解紛德之者衆尤篤於義方訓嗣惟謹二子俱明經其世任武寧知縣其昌選福建布政司理嗣慎 韋恩贈紹京文林郎武寧知縣

陳孔教字允湯學行高古寵辱不驚雖謝舉業而手不釋卷嘗以宋時執政以道學爲黨禁而諸儒亦

因諱所謂信道不篤者訓諸子惟以孝友躬示
範行。皆合軌度鄉里矚學佻達者望之歛跡年
七十卒長子勛歲薦次子勳諸生孫昶亦諸生
以孝友稱

黃象珍號帶河侗軒達遠志經史祖父殷實及珍
家道式微內患外侮珍然肆應不爲詘手不釋
卷課子力學伯子蘇順治甲午登鄉書巳亥進
士授東萊掖令仲子蕙才能英敏暨孫禱振禧延
禧昌俱次第遊泮

安府志

卷之五

人物

四

禹極字惟生號無極博學篤行深明易理初試上

榜庚午登賢書杜門著述手輯大易精解年甫四
十有六遂卒子景煒景煥有聲菴林煒尤傑慧鑒
英年棄諸生稱石羊處士

萬中台字次能號澤又性穎悟善文工詩賦登明戊
賢書九上公車不第授郴州學正選雲南其凡雄
授秩滿補黎平永從縣撫輯苗民叙進兵

外卒年六十二著

貢南軒幽遠堂文

時雍孫曰什俱能頌承先

尚於

旌林間

李儲元字毓真賦質端毅篤孝友幼孤色養孀母母
年七旬病篤元晨夕服侍湯藥浣厠踰母卒哀毀
骨立弱冠補郡諸生及崇禎末兵寇交訌無寧宇
元聚族營保聚計自鬻腴田數十畝并竭私資
營砦村市以賴以全活賊聞官兵至欲屠城去
令諸砦如盡入郡城元曰吾寧以身殉堅守
拒之

人物

四五

湛文簡游著有四書說約
學如嘗造訪之知縣陸勲
乃止學者稱為高岡先

多箴規善詩文邑令吳璿
有涂子當今之世不可

古文詞試輒高等應貢不
中其高行如此

聶心純字原翼與友胡思澹同遊黃陂理學鄧葆之
門心純潛修獨詣非其人不語以學年五十病終
長子聘邑諸生中子誼順治戊子拔貢選廣東廣
寧知縣未任卒

程慥司李智德良之父也幼孤卽不妄語不棄小善
尤至孝友事繼母二兄分甘茹苦時里中大疫門
無往來慥走長子編食其憊者竟得全活人咸稱
爲石羊程夫子云

褚標瀛字遴初嚴厲無漫言笑意所不治者峻拒不
德安府志

卷之五

人物

吳

少假食餼於學家居禮法極取與不苟長幼有序
男女有別著有迂夫集晚年定論諸書卒年七十
餘

關希達字鉉解性孝友年垂暮言及二先人猶盈盈
淚下友諸從兄弟不啻同胞少習舉業後習家學
以岐黃業濟世尤好黃老家言年近七旬卒子恕
補弟子員

張則文性行端質好施濟戚里待文舉火者衆鄉爭
構欲訟者息之已訟者解之恒謂訟乃殺氣無訟

則兵刑寢矣年七十三卒子開魏以明經教諭江
夏陞廣東遂溪令時值南警本郡鎮將守備奴屬
縣印逆降魏抗節服鳩爲監守者簡逃深山爲僧
數月始出白其狀督撫憲憐其抗節上疏申雪獲
免歸

張儒字宇賢平空矜慎屏聲色遠豪華道遇婦女則
趨避早孤事孀母敬養兼至友諸弟仲仕叔傑天
位同居無間言配董氏以家婦 家督色養孀姑
和洽孀姒年六十八卒子奎光奎其父姪聯璧

德安府志

卷之五

人物

七

皆有聲士林間

陳舜道邑庠生淳篤好學與兄舜德天性友愛孝事
祖母袁氏色養不衰袁早寡撫仲仲折又撫其孫
貧苦勵節年九十餘及見五世孫於華遊泮於坤
中順治庚子鄉試

萬光字元發號隱霞篤孝友博極羣書雖處罽塵冗
屑中恬如也時菟古文雅飭精嚴詩宗盛唐書倣
文蘇州食餼二十餘年近貢卒子立誠孫善俱先
後有聲於庠

左獻臣字建白穎敏淳恪好學博覽試輒冠軍文詞
書法推重一時

景曰角字九野端方嚴肅篤學優文書法效顏魯公
邑中碑手跡多有存者

涂鄰泰字仰止學博楫之孫也淳恪好學有聲士林
間樂獎人善不肖者望之意銷受業門下者中分
魯國不苛館穀貧而志學者曲成之遇戚友遺孤
存活之幻視一切年六旬卒長子蘭次子萱皆執
林翹楚

德安府志

卷之五

人物

東

左維翰字上樞性英爽謙恭篤孝友持家嚴肅讀書
構文善作苦思思輒忘寢食究心青身家言尤得
其奧年七十餘卒

安大危居曲水湖自號曲湖逸人性樸介不樂仕進
博學好古工詞賦負笈者接踵至稱曲湖先生正
德末夜觀列宿異之曰帝星明江漢應在安陸州
逾年而世宗從興邸入承大統咸維大危爲象緯
彙鑑焉年九十四尚康健偶疾猶倚杖卷披覽
勤止之卷曰人以藥治疾吾代以書有何

不可不踰日而卒其子北博洽多才孫有光髫齡
遊泮曾孫第鵬中己卯拔貢第霄第譽及鉉孫
悅俱菀林翹楚

劉昆偉字奇之性純敏善屬文千言立就舉邑
雖大試不遇偉絕無夢進想晉掾者郎請
人如坐春風終日不去至大節所鍾尤砥
家庭孝友一邑觀型人比之王彥方年六十
思無頃刻忘也長男演璜郡諸生次男鼎文庚
登賢書壬戌成進士孫謙邑庠生醇郡庠
餘

德安府志

卷之志

人物

兕

幼業儒

操弘儒字仲約號孺文至性孝友內外無間言
冠補弟子員己卯登賢書博及天官地理星數
書著有芸窓筆記律身嚴重人不敢干以私汲引善
類如恐弗及筮仕新城令儒宗禮法重文教草
儀禁貼費懲提甲嚴強宗之私運獻細戶之下
皆爲人所難爲業以卓異具題未及改官而卒
之日巷哭塗嗟市爲之罷若五殺大夫之在秦
德未竟其報才未竟其用時論惜之子應聲

元聲皆食餼以文名

胡鈺字公式先籍西陵洪武初徙於雲鈺性孝友年五十孺慕不少替友諸昆弟藹然太和尤善藏書披閱不倦長子止水年十齡卽補邑諸生揚芳振藻丕暢更不朽矣

王賓字楚川晉義憲二十六世孫性謹恪不輕顰笑好施予重然諾介操特立坊表里閭都人士稱爲隱君子平生未識長吏年八十餘卒長子國祚邑諸生仲子鳳祚以武功顯季子昌祚補邑椽人咸德安府志

卷之五

人物

五

稱之

程明銓字肖峰宋河南夫子十八代孫先自中州來籍西陵以程本來鐸雲邑遂家焉性孝友年四十餘孺慕如一日昆弟五人一弟見虎翁如也尤慷慨重然諾以清白爲箕裘年四十餘卒生子二仲早卒長新煥補邑武庠中

國朝辛卯副榜先是明丁丑歲賊氛襲雲未克遁去越三月賊窺不備突聚衆襲城新煥家城東近賊樞道偶探得實大驚急先馳奔數十里至城下雙

足寸裂不_レ臂大呼城上方知戒嚴賊至驚有神助
自是不復入_レ 凡雲人頌德不衰生五子長祖伊名
諸生次繩伊以國學生中順天副榜拔貢次官第
俱名諸生

張奎華字方旦性仁厚事繼母以孝聞兄病肺侍藥
累年不懈生平無疾言厲色邑志皆出其手有闢
邪訂訛諸書年七十八卒

黃蘇字小蘇號奎臨髫年食餼以進士筮仕授縣能
決大獄凡累民者力爲民請命上臺嘉其廉明以

德安府志

卷之五

人物

五

卓異報最蘇決志乞歸恂謹卑牧望人稱_一子禧
_一振禱昌以貢監生考授縣佐禧延禧祥其部庠生
應城縣

李銘字警之三歲亡父母及長事繼母胡氏克盡孝
道胡怒輒偕妻跪闕外候怒解始起以歲貢
南太和縣有廉介歿祀鄉賢

余裕字順之性嚴毅精於學邑人登科者多出_一
以明_一請歲貢入南雍_一子應緒受學於湛_一
克養亦深授四川開縣令尋召選風憲不赴_一

高之年九十三卒門人私謚正學先生從祀鄉賢祠

余應緒字思孝初誕父裕夢緋袍神人入室而生幼奉庭訓性至孝師事湛元明悟周程宗旨明嘉靖丙戌進士授南戶部主事調吏部歷考功郎中考察秉公忤權貴免歸薦起南考功遷南通政叅議歷太僕大理卿終戶部右侍郎平生端介謙謹篤志聖賢卓有譽望卒賜祭葬門人私謚慎修先生從祀鄉賢

德安府志

卷之五

人物

五

周良字孔賢舉明正統丁卯鄉薦工詩文通判湖州府遷雷州府同知以清慎稱歸家僅足衣食與閭修邊幅無異寒素嚴於自守非公不至邑庭出入村墟中則乘疲馬代步弟儉字孔節受學於良景泰丙子鄉薦知德慶州以憂歸起晉寧州當官處家鄉人稱爲二難後人口啓大嘉靖癸丑進士禮科給事中致仕

余正字廷表明天順己卯鄉受雲南趙州知州蒞政嚴明杜絕干請權豪懾服趙州祀於名宦歸友愛

二弟鎔欽以所置私產均分之孫應成字思達爲諸生制行耿耿侃侃議論遵守禮法鄉閭重之年九十餘卒

楊濬字希舜明景泰庚午鄉薦持身方正取與不苟任雲南黑鹽井提舉性孝友念父母年高途遠不能致養卽解組歸所祖業盡讓二弟仍分俸給之教訓子弟循循守禮藹然仁讓之風濬弟淵字希顏性亦孝友博學工詩文歲貢隱居不仕邑人重之

德安府志

卷之五

人物

五

陳鍊字汝堅夔守坦之孫明弘治戊午鄉薦性醇樸事母孝通鄉國以母老不欲仕母服闋授儋州同知遷蘇州府通判乞歸壻大學士蔣冕遺書止之不聽時羨其高蹈焉長孫德駿歲貢歷旌德教諭遷陝州學正不就仲孫德驥別有傳季孫德驥嘉靖庚子鄉薦知銅梁縣德駿子容淳萬曆丙戌進士授行人鍊族最蕃鍊以孝友訓家至今子孫恪遵祖訓

陳邦治字司衡南戶部員外大經之孫梧州府推官

輔之子也性方嚴秉禮明嘉靖壬午鄉薦授鳳陽
通判遷知涿州值世宗南巡中官恣橫乃挺身執
法不屈累官南寧知府以清介著名以毋老上書
乞歸

華清字廉卿穎慧博洽凡天文曆律之類皆通曉景
泰丙子鄉薦遊南雍與廣東陳公甫先生比舍居
公甫甚推服焉登成化壬辰進士授蘇州府推官
以直道免歸性溫厚爲文爾雅沈下詩賦所著東
軒集藏於家歿祀鄉賢

德安府志

卷之五 人物

四

郭憲字用章歷啓明洪武甲子鄉薦知上林縣憲博
學工詩文詞曲頃刻立就弘治戊午鄉薦授重慶
通判歷楚雄同知戶部員外郎弟宣字用昭正德
丁卯鄉薦歷知安吉隆慶二州南雄府同知以能
詩名

李世熙字堯夫工古文詞有才名明嘉靖壬午鄉薦
知興化遷安順知州以毋老不赴

陳善變字克化性穎異通易詩其父辭尚奇僻嘉靖
乙酉鄉薦授柘城知縣免歸所著太平本論元錄

春秋屬斷若干卷藏於家

陳輿字子孝通判亮之孫勤學博聞工詩律性方直
坦易喜獎後進邑中人士樂親之以歲貢知四川
太平縣未久謝歸

陳邦寶字司善知縣輿之子爲文自闢門戶不落蹊
徑每試冠軍乃竟不第以歲貢授嘉定州同知甫
朞卽上書歸隱所著便侗集杜軒稿若干卷子藁
嘉靖戊辰進士

易鎧字銜之性穎達精六書歲貢授新安訓導時歲
德安府志

卷之五

人物

五

大饑人相食鎧眷屬艱食窘甚信陽兵憲舊司理
德安素重鎧濟以數十金鎧卽分給僚友及貧士
僅留數金自供饘粥歸家安貧人有懷金請託者
峻拒之遂終身不改清操云

許登號雲石性端方爲士林翹楚明萬曆壬子歲貢
任涇州判遷京衛經歷修睦峒志著水雲詩稿以
高才處下位士論惜之卒年八十四弟立貢士任
福安知縣

寇傑字汝英號新溪明正德己卯舉人學問淵瞻充

雲南道御史改知岳池縣捕巨寇有功遷按察金
事岳池祀之金舉明成化壬辰進士知婺源縣婺源
源祀之拜御史風采凝重尋巡撫雲南晉南戶部
右侍郎總制兩廣軍務先是右都御史韓雍開大
藤峽金至值岑猛告變極力區畫疏改大藤峽名
永通晉南戶部尚書會江西姚源盜起詔總七省
兵平之加太子少保復總兩廣入掌院事值武宗
南征還次通州時宸濠就擒江彬輩竊柄欲消功
罪金抗言王守仁伍文定擒濠之功諸人不得貪

德安府志

卷之五

人物

七

冒廷議遂定尋特進上柱國少保致仕年八十三
卒賜祭葬祀鄉賢

陳軾字子敬父大中潛山訓導軾明弘治乙丑進士
知定海縣召拜御史遷山西按察副使歷雲南按
察使左右布政使以右副都御史巡撫南畿遷大
理卿戶部右侍郎明坦樂易涇渭不淆臨政精
確有體卒於官賜祭葬子邦政陝州判官孫莘南
戶部照磨軾祀鄉賢

湯紹芳字伯傳祖敏字時秀明景泰丁卯鄉薦為歷萊

州府同知紹芳早孤事母孝勵志誦讀嘉靖癸未
進士知上虞縣有惠政召爲御史清軍兩廣著清
軍條以刷卷事略乞病歸起按北畿陳時政十害
督九廟大工事竣當遷鄉寺乃辭陞出爲江西
察副使平景德鎮傭工之亂景德人祀之年四
六卒於官性剛方正直裁事明決人皆惜其勲名
未竟云有弟繼芳子心國俱另有傳紹芳崇祀鄉
賢

周琬字潤夫父倣別有傳琬登明嘉靖壬辰進士知
德安府志

卷之十五

人物

五

永嘉縣拜吏科給事中仗義倣儻任職不撓疏擊
競進宮僚者時論躓之世宗南巡疏擊權貴詔下
獄杖謫邊方典史起知婺源遷戶部主事調禮部
儀制郎中督學福建能拔奇士至今稱之歷出
叅政按察司以邊才拜右僉都御史開府昌平
免歸會倭亂詔督蘇松等處軍務進兵部右侍郎
倭功垂成以病免歸

李幼滋字元樹父永清令世秀之子也幼滋性剛
明嘉靖丁未進士授行人拜刑科給事中歷

右禮科左以拂權貴意謫邵武縣丞移安甯推官
汝寧同知歷南戶部郎中淮安常州知府潼關井
涇兵備副使累遷太僕大理卿戶部侍郎右都御
史工部尚書准告賜馳驛歸以河功加太子少保
卒賜祭葬幼滋性端嚴涖官持法抱志而卒弟幼
淑嘉靖己酉鄉薦知魏縣歷刑部郎中思南知府
子必大任南戶部郎中

陳正字啓蒙幼聰敏九歲能詩讀書一過不忘遠近
士人執經問義無虛日屢試冠軍竟不第歲貢入

德安府志

卷之五 人物

堯

南雍歸家不樂仕進足跡不入城平生精堪輿星
曆之學見子士元休歸曰吾固星數有驗汝第安
命爾正性孝友早失怙庶弟不在襁褓撫育成立
同居四十年方析居又喜周人急遇凶歲輒煮糜
以飼孳者曰此祖訓也卒於林下著蓮州集十二
卷藏於家

陳德騷字房府通判鍊仲孫也幼岐嶷寡言笑介然
不羣苦志篤學明嘉靖癸丑進士知建平縣以廉
靜稱平訟抑強丈田均賦權貴不能撓民立祠祀

為政績載蔡雲程記遷大名府同知以疾卒士林惜之

祝乾壽字建鄉性穎敏善詩古文辭明嘉靖癸丑進士知崑山縣倭寇攻城三月防守有功崑人德之丁父憂起復曲周縣民立去思碑拜御史有才名卒於官

陳藻字應虹明隆慶丁卯舉人戊辰進士官至戶部尚書贈少保性嚴正詳明政治廉能有體卒於官賜祭葬長子肯學任後軍都督府都司次肯友肯

德安府志

卷之五

人物

卒

念孫逢述俱廕生

徐養量號京咸應城人萬曆丁未進士以御史督學北直甄拔寒士人多服其藻鑑撫甘肅時一小吏以足疾注下考比謁見捷如翼養量曰此必拙宦也柰何疾寃之並語在事者勿恣情去留累官兵部尚書卒賜祭葬子晤可廕錦衣衛千戶崇禎丙子城破罵賊死孫則啓以其狀泣血叩闕亦廕錦衣衛千戶重孫聯寵聯對聯岳聯峻俱有聲菽林克世其學

如句嶧甲午舉於鄉辛丑成進士初仕西粵
旋調巴縣考完授浙江道御史巡按宣大糾
代府紓士商劾貪弁轉江南督學奏罷納資入學
一疏今入鑑紀

辛昂虞字元聞明天啓一

卯舉八戊辰進士任安福

令擢御史按粵西尋

京營任大僕卿年八十一

卒昂虞幼困童子試每一莠出邑爲紙貴治吳越
風節藉甚應邑在明萬曆初履畝定賦著爲令十
年大役民便之後法弛吏以意誅求十年之田而

德安府志

卷之五

人物

六

不脩也父老思變其法欲一邑十里一里十排廢
十年大役例彙爲帙未敢鳴虞奮然曰非上聞不
能遂疏於朝報後致書兩臺事得行南漕兩賦
未均此法多寡輕重悉衷民無飛詭吏無侵蝕大
便於民故民無逋賦無流亾至今德之虞多子孫
俱寒儒以是知虞之貧云

周勛以成先世居安陸始祖世傑宋武學博士傑

熙隆元河南南路儒學提舉應隆子均用均壽均

用泰定二年進士累官山東行省叅知政事均壽

洪武河南布政司理問娶京山鮑氏女遂家京山
子韶修成祖實錄任無爲同知韶子域爲應城諸
生始徙應城歲貢歷河陰訓導卽劾父也劬性豁
達明弘治戊午鄉薦正德中授台州府同知吏事
精敏賢聲藉甚任九年乞休歸子琬別有傳劬祀
鄉賢

陳軫字子宿祖亮別有傳父大韶成化丙午鄉薦授
南雄通判任甫九月卽謝歸軫幼奉庭訓性斤斤
周慎正德癸酉鄉薦任新淦復除浮梁二邑素號

德安府志

卷之五 人物

三

軫動容矜飭率意行之無所曲徇傳所稱良牧殆
庶幾

饒琮字荆璧明萬曆鄉舉任宜賓令時歲饑捐俸行
賑全活數千命考最陞全州刺史百姓爲之立祠
卒祀鄉賢

徐進可字南征大司馬京成子也少貧力學天啓甲
子鄉薦性方介寡合杜門不事干謁有事關利弊
卽身任之不顧嫌忌值明季之亂絕意仕進見士
大夫營田宅爲子孫憂者輒太息曰此何時乎尚

作是 處堂社 即闖賊逼楚遊地金陵弘光卽位
溧水令終不就

國朝定鼎還里以壽終

田龍光明萬曆乙酉舉人授維揚真州令邑多盜課
二商錯集暮夜有進樣盜者怪詰曰若何不書進
厥有異啓視之則白鏹盈甕亟笞而榜出之事聞
醜臺優獎更憐單寒真人塑像立祠祀焉長子懋
錫庠生季子惠錫崇禎選貢

國朝錄遺於順治十一年考選通判

德安府志

卷之五

人物

三

葉仲暘字再和父秦字茂枝善談道學居鄉和易訓
家最嚴歲貢歷平湖訓導內江教諭選韓府教授
不赴仲暘性長厚歲貢通判温州以清謹稱聞長
子章死輒告休致當路重其才數遺檄勉留竟拂
衣歸溫人至今稱之

徐珪字必信弘治初以掾役刑部時中貴李廣用事
其黨楊鵬掌東廠羅織朝士輒至死民有買良爲
娼者屬丁卽中陳御史廉得其實鵬姪與娼背毋
誣之而抵丁陳等罪珪手疏數千言頗憤激指廣

鵬竊柄將不利於國乞革東廠或遣文臣
理之
有必斬臣首必行臣言等語詔下獄治之竟革役
爲民而下陳等罪乃得免踰年主事陳鳳梧以珪
爲言特授桐城縣丞歷官贛州府通判有平寇功
尋引疾致仕

陳君敬字直方蘭陽令潮玉子也舉明經授縣學訓
導卓有型範建立學宮考績遷石首教諭尋卒於
官石首人祀於學太師楊溥誌其墓且曰溥受業
於先生寤寐不忘則司教盡職可知已子坦曾孫

德安府志

卷之五

人物

四

金俱別有傳後裔簪紱相繼爲邑中望族崇祀鄉
賢

張崇倫字子常總悟讀書過目不忘明嘉靖壬戌進
士授行人歷南吏禮二科給事遷南尚寶卿出爲
四川按察副使兵備川東以遼東苑馬卿歸蓋權
勢忌其才云崇倫性溫厚鄉稱爲長者逍遙林
壑寄興棋酒翛然物外宛若儒士以疾卒邑中老
稚咸悲悼焉

陳堯字廷佐明景泰庚子鄉薦授撫州通判有才能

從吳子傳聘君遊任甫

雖屏幼造謁必置 冠子四 大經大詔大武

大經明成化 庚午鄉 部員外郎大 午

鄉薦南雄府通判大 子 止德癸酉 歷浮

梁知縣大綸子 與與子邦寶大經孫邦 皆別有

傳亮及祀鄉賢

周禮字時叙先世白麻城徙孝感洪武初 祖添

辟舉應城遂家焉禮性剛直明景泰癸酉鄉薦

少 年縣任未久不善趨承輟謝歸環堵蕭蕭怡然

德安府志

卷之五 人物

自樂

王朝字宗海先世吉水人曾祖國禎元池州路總管

歷福建山西廉訪使祖仲相明永樂初知德化縣

以事謫應城典史卒於官五子純忠等遂家焉朝

即純忠子景泰癸酉鄉薦官歷長藩長史四十年

素履弗變藩王禮敬不衰從弟洪子大濟歲貢通

判南寧有賢聲

芳子伯修憲副 弟也性溫謹幼隨紹芳官

伯安深契良知之日明嘉靖甲午鄉

薦授推柳州府過家遽高尚不之任樂與諸子輩
論學侍郎何遷題鳳翔千仞贈之優游林下二十
年卒

黃瑜字匪暇父歲貢瑜穎敏異常雖古碑文詞千餘
言一覽卽成誦性端樸明嘉靖戊子鄉薦任灌縣
令子朝凝辛酉鄉薦未仕卒

寇宗詰號嗣功八歲失怙舅氏給諫陳還模撫爲子
博聞強記補博士善詩古文詞有晉人風明崇禎
丙子鄉薦庚辰上公車不第後邑因賊氛屠城永

德安府志

卷之五

人物

六

冠人物蕩滅無餘宗詰以扶士氣正名分爲一任
邑遂型之家世多隱德政中式咸視異兆廿餘年
清操不改郡守邑宰咸過而請益焉晚年以稽古
課子爲務著有蕉鹿草堂行世子三長明允登辛
卯科賢書授當塗縣令次焯次熙咸爲諸生各噪
一時

周延馨字蘭室大司馬琬之子也延馨篤志經史究
心理學髦年登萬曆甲午賢書似寒素手不釋卷
居家謙婉素性最樂誘進後學惜天奪其年爲時

論所惜

張翰卿字近臣祖智歲貢歷麗江安南二府推官耿介不阿父金有隱德翰卿持已端方待人謙謹性孝友以私產葬祖以祖產讓弟歲貢不仕長子翼仲子翬並以文學名同歲應選貢翼任廣安州判官翬任江津縣丞俱有賢聲以位不盡才士論多惜之

陳籟字叔鳴胙城人加會子也幼穎敏爲諸生有文名性孝友多隱德授息縣丞慈愛明恕息人稱之

德安府志

卷之五

人物

七

嘗署息篆屢著善政在任六年清操不改忽以疾卒邑人哀感不置

祝子禮字敬夫性敦厚事母孝屢試鄉闈不售甫應歲貢以母卒遂不出隱居商嶺終身不入城市邑令吳哲嘗造問焉

黃應泰號大來勤學達曙性至孝父命不敢違事母尤篤色養與人然諾必踐慶吊必周家至匱乏泊如也子師憲孫啓祚俱先後登鄉薦皆謂孝德所報云

川瑚字紹崗隱居授徒四十無子妻曹氏賢勸置
側室仲瑚曰子之有無命也吾安之俟之側室非
所願也仲素積善行好施與遇歲稔不能舉火者
輒周之士人朝夕不給者資助之行既久家計日
落而心恬如也年四十五生子應耀復生子應輝
皆蜚聲等序孫陳常登賢書曾孫璉琬皆補弟子
員人謂好施之應云

徐行可字相魯立身教子以正心誠意爲主孝友著
聞月旦推尊

總安府志

卷之五

人物

六

陳希旦號思兼孝友好學經子性鑑諸書信口誦說
屢試不第教授生徒邑中列紳衿者盡出其門卒
年七十八長子民獻士林有聲次子民懷辛卯舉
人辛丑進士授揚州同知

范沔字東之訓導銳之孫授成都經歷制行謹厚取
與不苟嘗暮夜獨行過一邑北河拾遺囊開視有數
十金坐以待失者至詰驗還之失者請以數金謝
不受

陳德潤字玉甫性端方勤學勵行爲諸生邑令盧淵

延以訓子久之令子歸令以事繫郡獄潛寄
於德潤所無知者令暴卒潤妻葉謂潤曰令所
托物不卒而負潤曰吾志也越二年令子自
貴陽來德潤呼至付以篋曰令君奇也封識如
故令子請謝不受時潤家貧甚乃能篤信義如此
子條明隆慶丁卯舉人眉州知州孫光宇未冠中
萬曆己卯舉人

黃師憲字度長壬午鄉薦家貧養母甘旨不缺少孤
遇族悍刀交於臂者數四不校明未闖賊証賊

德安府志

卷之五

人物

充

尹魏象以兵卒脅仕襄陽深匿村落賊大索即以
素服白冠見賊怒批斬受縛言笑自若北拜望極
辭毋賊又憐之寬以殯就遣得脫歸家漢沔景

陵間

大清定鼎出應公車就學博於荆之玉沙性端方身
律度以範諸人士講述六經大旨扶輿闡微抱鉛
槩請益者戶履常滿著有四書遵註臆說皆貧未
悴子啓祚舉於鄉

齊東魯字辛纒世居邑西南其祖興捌爲元都指

敗於紅巾兩耳皆被截去使領千騎往齊安遂棄
衆走入燕亂平還里居則極目荒莊也未幾同里
易復和及其妹易氏亦以避亂歸遂聽復和爲媒
與易氏結爲夫婦邑中數萬家屠於賊無遺種而
存者獨三人亦異矣東魯興八九世孫性樸直力
田好學每草帽赤足負耒隴上夜篝燈誦讀至不
寐爲文奇古脫時蹊學使高世泰大噐之不樂入
闈後竟以農夫老課授生徒菽苑知名士多出其
門子戴朋觀朋過庭請益手錄成編今傳大

德安府志

卷之五 人物

七

書二子問其耆者也

張五圭號測夫精舉子業博極羣書慷慨負大志家
世簪紱族齒繁庶繕宗祠清祭產督率教誠性好
施予鄰里緩急輒周給不倦家日落教授生徒邑
中名士科第多出其門年踰耄邑宰式廬敦請克
鄉飲大賔進退折旋卒度雅尚閑適逍遙觴咏直
地上仙也且壹意課孫致冢孫最弱冠魁楚巴酉
第二人癸丑成進士闈牘窻藁膾炙海內詩書之
澤久而益光五圭生於明萬曆乙酉至

國朝康熙上元甲子年滿百歲精爽善飯面如童子
郡邑詳報 齎各憲褒獎優方採搜懿蹟疏

請建坊以表國瑞忽於康熙乙丑無病而卒孫長
犛讀禮

天恩寵錫應有待云

陳隆極字維樞原任浙江紹興府蕭山縣主簿由監
生雲夢籍古潁川人漢陳實號太丘廿三代孫存
心孝友負性直方里鄉邑都及出仕處無不以孝
友直方聞年八十卒其子際盛名列府



德安府志

卷之五

人物

七